

16.6 RAPPORT 1: DEPUTATE EKUMENISITEIT BUITELANDS – ALGEMENE OPDRAGTE

1. Algemeen administratief

1.1 Vir kennisname

- 1.1.1 Die Deputate het uit verskillende lessenaars gefunksioneer om sodoende die werk te verdeel. Die Deputate lewer namens elke lessenaar 'n Rapport in en die name van die betrokke Deputate wat by elke lessenaar betrokke was, word by die onderskeie Rapporte vermeld.
- 1.1.2 Die benoemde adviseurs is betrek in die werksaamhede van die Deputate. Hulle verdien dank vir die uitnemende werk wat hulle gedoen het, asook vir die feit dat sommige van die professore hierdie verpligtinge dikwels kon laat saamval met ander opdragte.
- 1.1.3 Gekombineerde besoeke is waar moontlik deur die Deputate gebring om kostes te bespaar.
- 1.1.4 Al die dokumente wat hierdie Rapport vergesel is vir insae beskikbaar en word vir bewaring in die Argief geplaas.

2. Besluite van vorige Sinodes wat bepalend is vir die opdragte aan die Deputate

2.1 Vir kennisname

- 2.1.1 Deputate Ekumenisiteit Buitelands kry opdrag om deurlopend kontak te maak met Gereformeerde buitelandse kerkgemeenskappe oor sake van dringende en gemeenskaplike belang kragtens KO, art. 49 (Acta 1997:176, 3.1.1).
- 2.1.2 Die uiteindelijke eenheid van Gereformeerde Kerke moet "as ons dringendste en belangrikste ekumeniese roeping" gesien word (Acta 1970:69).
- 2.1.3 Die doel van die ekumeniese gesprek is die uitdra van die universele evangelie waardeur alle kerke tot gehoorsaamheid aan die Woord van God en so tot een kerklike gemeenskap op grond van ooreenstemming van die leer opgeroep word (Acta 1994:195, 2.2.1.1; vgl 1967:366).
- 2.1.4 Daar moet onderskei word tussen die roeping tot beleving van eenheid (kerke wat een in leer, diens en tug is) wat begrens is, en die roeping tot ekumenisiteit wat onbegrens is en wat tot alle kerke uitgaan en oproep tot gehoorsaamheid aan die Woord van God en tot die onderlinge gemeenskap van gelowiges (Acta 1967:366).
- 2.1.5 Met die eenheid van die kerk word nie eendersheid van plaaslike kerke bedoel nie. Daar sal noodwendig uiterlike verskille, bv in liturgie en bedieningsmetodes tussen plaaslike kerke in verskillende wêrelddele voorkom (Acta 1997:171, 2.1.1.4).
- 2.1.6 Die ekumeniese roeping is dan gerig op "herstel van die eenheid van die kerk" (Acta 1967:365).
- 2.1.7 In die uitlewing van die ekumeniese roeping gaan dit egter nie net om 'n gesprek oor hoe kerkgemeenskappe sigbaar een kan word nie, maar ook oor profetiese getuienis vir die waarheid teen die leuen, asook oor samewerking in soverre daar 'n gemeenskaplike taak is wat behartig moet word (Acta 1997:176, 3.2.1).

3. Finansies

3.1 Besluite 2012

Die Sinode begroot soos volg vir die werksaamhede van die Deputate:

- 3.1.1 Een verpligte kollekte per jaar word deur die kerke afgestaan vir die uitvoering van die GKSA se ekumeniese opdrag.
- 3.1.2 Reiskoste (binnelands), daggeld (binnelands) en ander noodsaaklike verpligtinge word uit die Sinodekas voorsien.
- 3.1.3 Die Sinode maak voorsiening vir die kerke se gesamentlike verantwoordelikheid ten opsigte van die bediening in Londen deur een verpligte kollekte per jaar.

- 3.1.4 Die Sinode maak weer uit die Sinodekas voorsiening vir die verpligte jaargelde ten opsigte van die ICRC.
- 3.1.5 Die Sinode maak, aangesien jaargelde nie gehef word nie, uit die Sinodekas voorsiening vir 'n eenmalige skenking van R10 000 vir die werksaamhede van die World Reformed Fellowship.
- 3.1.6 Die Sinode maak uit die Sinodekas voorsiening vir 'n finansiële uitgawe van R10 000 wat vir sendingkoördinerings aangewend moet word.
- 3.1.7 Die Sinode gee aan die Deputate die bevoegdheid om, indien daar voldoende fondse uit die kollekte beskikbaar is, dit vir afgevaardigdes van kerke finansiëel te help moontlik maak om die Sinodes van die GKSA by te woon om sodoende ekumeniese bande te versterk.

Vir kennisname

3.2 *Uitvoering van opdrag*

- 3.2.1 Die finansiële aspekte is volgens begroting en in samewerking met die Administratiewe Buro hanteer. Dank word uitgespreek vir die kerke wat deur middel kollekte en ramings dit moontlik gemaak het om hierdie werk te doen. Daar word voorsien dat daar in die behoeftes van werksaamhede van die volgende Deputate op dieselfde wyse voorsien kan word.

Vir besluitneming

Aanbevelings

Die Sinode begroot soos volg vir die werksaamhede van die Deputate:

- 3.2.2 Een verpligte kollekte per jaar word deur die kerke afgestaan vir die uitvoering van die GKSA se ekumeniese opdrag.
- 3.2.3 Reiskoste (binnelands), daggeld (binnelands) en ander noodsaaklike verpligtinge word uit die Sinodekas voorsien.
- 3.2.4 Die Sinode maak voorsiening vir die kerke se gesamentlike verantwoordelikheid ten opsigte van die bediening in Londen deur een verpligte kollekte per jaar.
- 3.2.5 Die Sinode maak weer uit die Sinodekas voorsiening vir die verpligte jaargelde vir die ICRC en vir 'n afvaardiging na die byeenkoms van die ICRC.
- 3.2.6 Die Sinode maak, aangesien jaargelde nie gehef word nie, uit die Sinodekas voorsiening vir 'n eenmalige skenking van R15 000 vir die werksaamhede van die World Reformed Fellowship.
- 3.2.7 Die Sinode maak uit die Sinodekas voorsiening vir 'n finansiële uitgawe van R10 000 wat vir sendingkoördinerings aangewend moet word.
- 3.2.8 Die Sinode gee aan die Deputate die bevoegdheid om, indien daar voldoende fondse uit die kollekte beskikbaar is, dit vir afgevaardigdes van kerke finansiëel te help moontlik maak om die Sinodes van die GKSA by te woon om sodoende ekumeniese bande te versterk.

4. Brosjyre vir bekendstelling van die GKSA

4.1 *Opdrag*

Die brosjyre is op datum gebring en gedruk. Daar is besluit om weens die koste verbonde aan 'n DVD nie met die maak daarvan voort te gaan nie.

Vir kennisname

4.2 *Uitvoering van opdrag*

Die brosjyre is op datum gebring en versprei soos wat nodig gevind is. Dit is ook elektronies beskikbaar gemaak.

Vir besluitneming

4.3 *Aanbevelings*

- 4.3.1 Dat die brosjyre op datum gehou en waar die geleentheid hom voordoen versprei word.

5. Algemene opdragte

5.1 *Opdragte*

- 5.1.1 Ekumeniese kontak wat tot die erkenning van ekumeniese bande en eenheid kan lei, word gemaak met kerke wat met die GKSA een is in leer, diens en tug (KO, art 85).
- 5.1.2 Middelmatige verskille behoort nie in die weg te staan van ekumeniese eenwording nie.
- 5.1.3 Die praktiese betekenis van ekumenisiteit word vergestalt in sake soos: attestasie en beroeping; uitnodiging na mekaar se Sinodes; insette in mekaar se besluitneming.
- 5.1.4 Die betekenis van ekumenisiteit word met betrekking tot spesifieke sake in byvoorbeeld *Die Kerkblad* en by wyse van kort inligtingstukke aan Kerkrade, bekend gemaak.
- 5.1.5 Die Deputate kry opdrag om wat die GKSA onder ekumeniese eenheid (kerklike korrespondensie) verstaan, te formuleer en daarvoor ooreenstemming te bereik met Deputate van die kerkgemeenskappe met wie die GKSA in korrespondensie is.
- 5.1.6 Die Deputate kry opdrag om die tersaaklike besluite van Sinode 2009 weer in Engels te laat vertaal en dit uit te stuur na al die kerkgemeenskappe met wie die GKSA in korrespondensie is. Hiervoor word deur die Sinode begroot.
- 5.1.7 Een van die Deputate van Ekumenisiteit Buitelands word ter wille van noodsaaklike skakeling benoem by Ekumenisiteit Binnelands.

Vir kennisname

5.2 *Uitvoering van opdrag*

- 5.2.1 Aan al die sake is voortdurend aandag gegee tydens ekumeniese gesprekke en skakeling.
- 5.2.2 Die besluite van die Sinode 2012 is elektronies aan kerke met wie ons ekumenies bande het versend.
- 5.2.3 Daar is 'n e-posadres by die Administratiewe Buro geskep waarheen alle korrespondensie van buitelandse kerke met die GKSA gekanaliseer moet word. Die adres is adminburo@gksa.co.za
- 5.2.4 Daar het enkele berigte in *Die Kerkblad* verskyn, maar hieraan sal meer aandag gegee moet word.

Vir besluitneming

5.3 *Aanbevelings*

- 5.3.1 Ekumeniese kontak wat tot die erkenning van ekumeniese bande en eenheid kan lei, word gemaak met kerke wat met die GKSA een is in leer, diens en tug (KO, art 85).
- 5.3.2 Die praktiese betekenis van ekumenisiteit word vergestalt in sake soos: attestasie en beroeping; uitnodiging na mekaar se Sinodes; insette in mekaar se besluitneming.
- 5.3.3 Die betekenis van ekumenisiteit word met betrekking tot spesifieke sake in byvoorbeeld *Die Kerkblad* en by wyse van kort inligtingstukke aan Kerkrade, bekend gemaak.
- 5.3.4 Die Deputate kry opdrag om wat die GKSA onder ekumeniese eenheid (kerklike korrespondensie) verstaan, met die kerkgemeenskappe met wie die GKSA in eenheid is, te kommunikeer en sover moontlik ooreenstemming oor die betekenis van die begrippe te verkry.
- 5.3.5 Die Deputate kry opdrag om die tersaaklike besluite van Sinode 2015 met die kerkgemeenskappe met wie die GKSA in bande en eenheid het, te kommunikeer.
- 5.3.6 Een van die Deputate van Ekumenisiteit Buitelands word ter wille van noodsaaklike skakeling benoem by Ekumenisiteit Binnelands.
- 5.3.7 Predikante wat vanuit die GKSA in die buiteland in die bediening staan tydens besoeke aan die buiteland so wanneer moontlik deur die GKSA Deputate besoek moet word.
- 5.3.8 Die buitelandse gaste vanaf 2018 vir twee dae voor die Sinode ontvang word vir onderlinge gesprekke en verhoudingsbou. Die afgevaardigdes kry tydens die eerste twee dae van die Sinode geleentheid om groetboodskappe oor te dra en afgevaardigdes kan dan self besluit of hulle die res van die Sinode wil bywoon.